

顧炎武年譜箋釋

王儉校注



王儉校注

傳媒集團
出版社

圖書在版編目 (C I P) 數據

顧炎武年譜箋釋 / 王儉校注. — 太原: 三晉出版社, 2011.12

ISBN 978-7-5457-0459-4

I. ①顧… II. ①王… III. ①顧炎武 (1613~1682)
—年譜 ②顧炎武先生年譜—注釋 IV. ①B249.15

中國版本圖書館 CIP 數據核字(2011)第 239825 號

顧炎武年譜箋釋

校 注 者: 王 儉

責任編輯: 朱 屹

出 版 者: 山西出版傳媒集團·三晉出版社(原山西古籍出版社)

地 址: 太原市建設南路 21 號

郵 編: 030012

電 話: 0351-4922268 (發行中心)

0351-4956036 (綜合辦)

0351-4922203 (印制部)

E-mail: sj@sxpmg.com

網 址: <http://sjs.sxpmg.com>

經 銷 者: 新華書店

承 印 者: 太原市力成印刷有限公司

開 本: 850mm×1168mm 1/32

印 張: 5.5

字 數: 130 千字

版 次: 2012 年 3 月 第 1 版

印 次: 2012 年 3 月 第 1 次印刷

書 號: ISBN 978-7-5457-0459-4

定 價: 16.00 元

著作版權所有·違者必究

本書若出現印裝質量問題,請與工廠聯系調換

圖書在版編目 (C I P) 數據

顧炎武年譜箋釋 / 王儉校注. — 太原: 三晉出版社, 2011.12

ISBN 978-7-5457-0459-4

I. ①顧… II. ①王… III. ①顧炎武 (1613~1682)
—年譜 ②顧炎武先生年譜—注釋 IV. ①B249.15

中國版本圖書館 CIP 數據核字(2011)第 239825 號

顧炎武年譜箋釋

校 注 者: 王 儉

責任編輯: 朱 屹

出 版 者: 山西出版傳媒集團·三晉出版社 (原山西古籍出版社)

地 址: 太原市建設南路 21 號

郵 編: 030012

電 話: 0351-4922268 (發行中心)

0351-4956036 (綜合辦)

0351-4922203 (印制部)

E-mail: sj@sxpmg.com

網 址: <http://sjs.sxpmg.com>

經 銷 者: 新華書店

承 印 者: 太原市力成印刷有限公司

開 本: 850mm×1168mm 1/32

印 張: 5.5

字 數: 130 千字

版 次: 2012 年 3 月 第 1 版

印 次: 2012 年 3 月 第 1 次印刷

書 號: ISBN 978-7-5457-0459-4

定 價: 16.00 元

著作版權所有·違者必究

本書若出現印裝質量問題,請與工廠聯系調換

目 錄

張穆題詞	001
顧炎武先生年譜	003
附錄	153
一、奉旨准入祀崑山鄉賢祠	153
二、先生著述之可考者	154
三、清史稿·儒林傳	159
四、神道表(全祖望)	162
五、何紹基《顧先生祠詩》	168
六、征引文獻與參考書目	170
校釋後記	171

張穆題詞

謹案：本朝學業之盛，亭林先生實牖啟之，而洞古今，明治要，學識咳貫^①，卒亦無能及先生之大者。聞桐城胡雒君虔嘗為先生撰次年譜，惜未之見。大興徐丈松鉤稽各書^②，依年排纂，已寫有定本。會何太史紹基自金陵來^③，攜有上元車明經守謙^④號秋舫所輯譜，互用勘校。車氏差詳，蓋車氏本之崑山吳廣文映奎^⑤號銀帆，而吳氏又本之先生撫子^⑥衍生也。徐丈欲更事釐訂，以出守榆林^⑦未遑，穆乃不自揆度，比而敘

①咳貫：完備，全面。咳，通“駭”。

②各書：《虜齋文集》作“詩文集”。

③自金陵來：何華中《何紹基年譜》道光二十二年：“回籍守制期滿，二月，自長沙返金陵，八月，與家人由金陵奉母入都。”

④車守謙：倫明《三補顧亭林年譜》：“守謙字子尊，本名持謙，邵陽黃門鼎晉四世孫。徙江寧，故守謙為上元諸生。”

⑤吳映奎：《三補顧亭林年譜》：“吳映奎，字子猗，號銀帆。”崑山人，儒學教官。輯有《顧亭林年譜》。

⑥撫子：顧衍生，顧炎武撫養之子。錢邦彥《顧炎武年譜》（以下簡稱“錢譜”）亦作“撫子”，《虜齋文集》作“嗣子”。

⑦出守榆林：道光二十三年三月十六日張穆《與印林書》：“星伯晚運亨通，大堪慶慰，二月初已款密出都矣。”《虜齋文集》又增“屬為釐正”四字。

之，綜兩譜之異同，究大賢之本末，世之景行先生者，尙其有考於斯。

道光二十三年五月朔日 平定後學張穆記

顧炎武先生年譜

明萬曆四十一年癸丑(公元一六一三年)五月二十八日,先生生

先生初名絳,更名繼紳,後仍名絳,字忠清。

《元譜》。

穆案:《復社姓氏》,崑山第六人“顧絳,字忠清。”

乙酉後更名炎武。

《徐譜》:閻百詩《與劉超宗書》作“炎午”。

穆案:《山東通志》採先生文亦作“炎午”。

字寧人,學者稱“亭林先生”。

《元譜》:華亭東南二十五里有顧亭林湖,其南有顧亭林。陳顧野王嘗居此修《輿地誌》,因以為名。其地今為寶雲寺。

穆案《輿地紀勝》:嘉興府古蹟有顧亭湖,在華亭縣南三十五里。舊經云:“黃門侍郎顧野王居此。”無“林”字。又,海鹽縣東有顧林亭,有陳顧野王讀書堆。東坡《顧林亭詩》^①云“平林豈舊物,歲晚室扶疏”云云。唐詢詩云“平林標大道,曾是野王居”云云。宋輝詩云:“昔時高士宅,今日梵王居”云云。“林亭”字凡兩見,皆不作“亭林”。然據下所引東坡詩云“平林豈舊物”,唐詢詩云“平林標大道”,似乎華亭、海鹽兩縣境內皆有一亭,因野王納,稱瀕水則曰顧亭湖,傍樹則曰顧亭林,

傳鈔誤倒作“林亭”爾。近《誌》於“湖”上並增“林”字，亦誤矣。至宋輝“梵王居”云云，則又與華亭之寶雲寺其事適同。不知輝即指華亭故蹟，而象之誤繫之海鹽下否？又案宋嘉祐六年《法雲寺重修大殿記》，第一行題云：“大宋秀州華亭縣顧亭林法雲寺重修大殿記”，此“顧亭林”三字之見於石刻者。

又嘗稱名曰圭年。

《元譜》：康熙中《題吳縣李灌溪侍御詩》署名曰“圭年”。

謙案：歙孝廉程易疇瑤田云“嘗見萬年少自跋所作《秋江別思圖》送先生，由淮陰渡江歸唐市，謂顧子名圭年。自云：余再轉注而得此名。”

亦或署蔣山傭。

《元譜》。

謙案：蔣山即鍾山，後更名神烈山，先生嘗僑居山下也。

穆案江藩《漢學師承記》：庚寅，有冤家欲陷之，偽作商賈，變姓名為蔣山傭。又，《鄒平縣誌》前列修誌姓氏，有“顧傭，字寧人，崑山人，同時較²編”。疑“傭”即“傭”字之譌，亦或單署曰“傭”也。

顧氏系出吳郡，五代之際徙滁州，南宋時有名慶者自滁徙海門之姚劉沙。

見先生《顧氏譜系考》“姚劉沙”自注：“今崇明縣。”又，《鈔書自序》：“炎武之先家海上，世為儒。”

慶次子伯善又徙崑山，遂為崑山縣人，世居縣之花浦保³。

《譜系考》：崑山縣之二十四保，地名花蒲。自注：“今太倉

州六都。”

後徙千墩。

《元譜》：崑山縣之千墩人。

謙案《崑新合誌》：千墩在城東南三十六里泖川鄉。

《徐譜》：先生家與徐健庵比鄰。見《憺園集·舅母朱孺人壽序》。

穆案《蘇州府志·崑山縣第宅園林》內載：“妙喜園在西關外金童橋北。初為嚴氏園，徐坦齋營^③為別墅，荷池竹圃，踞西郊之勝。徐乾學宅在半山橋西，堂曰冠山堂，復構“傳是樓”，聚書其中。宅後有園，曰憺園。又有遂園，在馬鞍山北麓。徐秉義第在富春橋西，有培林堂。徐元文宅在半山橋東，塘內有含經堂。園中有古樟一株，因名得樹園。蓋徐氏鼎貴後，父子兄弟各營第宅，不復與顧氏為鄰矣。厥後健庵兄弟欲迎先生南歸，以別業居之，殆^⑤指金童園亭歟。”

自慶而下十二世，至明正德間，曰南京工科給事中、廣東按察使司僉事溱。

《譜系考》：溱，字梁卿，號小涇，正德庚午舉人，辛巳進士。

刑科給事中濟。

《譜系考》：濟，字舟卿，號思軒，正德丙子舉人，丁醜進士。歷官行人、刑科給事中。

何紹基案：《類姓登科考》，於顧溱注崑山縣人；顧濟、顧章志、顧紹芳皆注太倉州人。

穆案《鈔書自序》：“先高祖為給事中，當正德之末”。又，衍生《繕寫書目》有《思軒公諫垣書》一卷。又，《蘇州府志》：“給事中顧濟，第在崑山縣尚書浦西蔣涇。”

刑科生兵部侍郎章志。

《譜系考》：章志，字子行，號觀海。嘉靖丙午舉人，癸丑進士。歷官行人、行人司副行人、司正、刑部員外郎中、江西饒州府知府、湖廣、廣西按察司副使、貴州布政司參政、貴州、山東按察司按察使、南京光祿寺卿、應天府尹、南京兵部右侍郎、贈都察院右都御史。

《徐譜》：南京朝天宮後有侍郎公祠。又，《日知錄》云：“余家有嘉靖年買地文契，蓋在侍郎公時。”又，《浯溪碑歌序》云：“萬曆元年，先曾祖官廣西按察副使。”

穆案：衍生《繕寫書目》有《觀海公船政疏》一卷。又《車譜》云：“章志，字行之。”據《譜系考》，作“子行”。當是車誤。又，《鈔書自序》：“嘉靖間，家道中落。”“先曾祖繼起為行人，使嶺表，而倭闌入江東，郡邑所藏之書與其室廬俱焚，無子遺焉。洎萬曆初，而先曾祖歷官至兵部侍郎，中間蒞方鎮三四，清介之操，雖一錢不以取諸官，而性獨嗜書，往往出俸購之。”

侍郎生左贊善紹芳。

《譜系考》：“紹芳，字實甫，號學海。萬曆丙子舉人，丁丑進士。翰林院檢討^⑥、經筵日講官、左春坊左贊善兼翰林院編修、知制誥，贈左春坊左庶子。”

《車譜》：紹芳選庶吉士，移疾歸，起補檢討。父喪除服，進

經筵日講官，遷左贊善。後移疾歸，不兩年卒，年四十七。

穆案《鈔書自序》：“祖贊善公文集至數百篇。”衍生《繕寫書目》有《學海公寶庵集》十二卷。《靜志居詩話》：“實甫工於五律，不露新穎，矜煉以出之，頗有近於孟襄陽、高蘇門者。”又，王世貞作《紀遠近交遊四十詠》，紹芳其一也。《蘇州府志》：“崑山縣有遺清堂，在柴巷內，宮贊顧紹芳所居。”

及國子生紹芾。

《譜系考》：“紹芾，字德甫，號蠡源，生員，增例入國子監。”

《車譜》：“紹芾天才俊逸，工詩古文，奇奧秀拔，在太白長吉間尤善書法，為董香光稱許。詳見《崑新合誌》。”

穆案：紹芾又號夢舍，見《憺園集》。又，先生《三朝紀事闕文序》：“臣祖生於饒州官舍，隨臣曾祖之官廣西、山東、南京，一切典故悉諳，而當日門戶與攻門戶之人，兩黨之魁皆與之遊。臣祖年七十餘矣，足不出戶，然猶日夜念廟堂不置。閱邸報，輒手錄成帙”，“細字草書，一紙至二千餘字”，“自萬曆四十八年七月^⑧，至崇禎七年九月，共二十五帙”。又，《鈔書自序》：“先祖書法蓋逼唐人，性豪邁不群，然自言少時日課鈔古書數紙，今散亡之餘猶數十帙。”

贊善生官廩生同應。

《譜系考》：“紹芳子二，長曰同德，生員；次曰同應，字仲從，廩生，萬曆乙卯戊午副榜，恩廩入國子監。”

穆案：同應又字賓瑤。見《憺園集》，曰：“公清修篤學，負

東南重望”。《蘇州府誌·文苑門》：“同應生十歲而孤，哀毀如成人。長而穎敏好學，精舉子業，工詩文。為諸生，七試不售，兩中副榜。卒年四十二。性闊達，家雖貧，好施與，卒之日戚友哭之幾於罷市。所著有《藥房》、《秋嘯》等集。”《明詩綜》引王平仲語云：“仲從詩，詞澹意遠，有白雲自出山泉泠之致。”

娶何氏。

穆案《憺園集·先妣顧太夫人行述》曰：“母何夫人，淹洽書史，為女工，師舅母。”《朱孺人壽序》：“何夫人性嚴重，嘗竟日不言，獨愛讀書。”又曰：“自外祖賓瑤公未仕捐館，外祖母以未亡人支持門戶，荼苦百端。”《家兄孚若詩集序》：“外王母何夫人，知書，有識鑒。”

同應之子五，先生其仲也。

穆案：同應五子：長曰湘，字遐篆；次即先生；次曰紓，字子嚴；次曰纘，字子叟；次不知其名^⑨，字子武。先生一女兄，一女弟，皆嬪於徐。女兄生履忱；女弟生健庵兄弟。又一女兄嫁陳皇士濟生。健庵《寄皇士太僕詩》注：“太僕夫人，余從母也。”是也，然《元譜》稱健庵太夫人為先生第五妹，又有仲姊適馬氏。則女兄弟之可考者亦四人矣。

紹芾生同吉，早卒。

《元譜》。

謙案：同吉字仲逢。《崑新合志》謂其早卒，無子，產頗饒。聘王氏，未婚守節，撫先生為嗣。

《徐譜》：貞孝之歸顧，當在萬曆二十九年辛丑，其年貞孝

十六歲。

《車譜》：貞孝，太僕寺卿字孫女，諸生述女。事載《明史本傳》及《餘集·先妣王碩人行狀》。^⑩

注釋：

①東坡《顧林亭詩》：《三補顧亭林年譜》云：“按《王臨川文集》卷十三《次韻唐彥猷華亭十詠·顧林亭》一首，自注：‘野王所居也。’詩云：‘寥寥湖上亭，不見野王居。平林豈舊物，歲晚空扶疏。自古聖賢人，邑國皆邱墟。不朽在名德，千秋想其餘。’彥猷乃詢字，則‘平林云云’乃荊公作，非東坡作，‘空’又誤作‘室’。”

②校：原文如此。應作“校”。

③花蒲保：《錢譜》萬曆四十一年：“彥案《震川集》三：‘顧村在七浦堂南雙鳳里。’”

④營：《嘉業堂叢書》版“營”字脫落，此據《粵雅堂叢書》補。

⑤殆：《嘉業堂叢書》版“殆”字脫落，此據《粵雅堂叢書》補。

⑥《張譜》刻本作“簡討”。《辭源》：檢討，官名。宋有史館檢討，明時始屬翰林院。

⑦《張譜》刻本無“然”，此據《三朝紀事闕文序》補。

⑧《張譜》刻本遺漏“七月”二字，此據《三朝紀事闕文序》補。

⑨不知其名：《錢譜》萬曆四十一年：“顧繩，字子武。行五。”

⑩餘集：《亭林餘集》。

四十三年乙卯(一六一五),三歲

先生患痘,頗危,及脫痂,左目為眇^①。

《元譜》。

謙案:全謝山《神道表》謂先生雙瞳子中白而邊黑,見者異之。不言眇也,或有雲翳,未可知也。第《元譜》係衍生所作,不應有誤,故仍之。

是年,本生父賓瑤公中式副榜。

《元譜》。

知縣陳君祖苞拜於貞孝之廬。

穆據《行狀》補。又,《進士履歷便覽》:祖苞,字令威,海鹽人。萬曆癸丑進士,歷官順天巡撫。《明史》附《顏繼祖傳》。

注釋:

①左目為眇:《錢譜》:“彥於己巳年手鈔衍生《元譜》,固有‘右目為眇’之文。衍生躬侍先生,豈有子而誑其父之理……今從《元譜》。”

四十四年丙辰(一六一六),四歲

七月,先生第五妹生。

穆補。《憺園集·先妣行述》:“吾母生於萬曆丙辰七月二十八日未時。”

四十六年戊午(一六一八),六歲

春,白氣亙天,自東而北。

《元譜》。

穆案《三朝紀事闕文序》:“自臣母授臣《大學》之年,而東方兵起,白氣亙天。明年三月,覆軍殺將。”

夏四月,大清兵克撫順,七月,克清河堡。

《徐譜》。

貞孝以《大學》授先生。

《元譜》。

賓瑤公鄉試又中副榜。

《徐譜》。

冬十一月,蠡源公配李碩人卒。

《元譜》。

穆案:碩人有兄名箕。見先生所作《先妣行狀》。

四十七年己未(一六一九),七歲

二月,經略楊鎬誓師於遼陽,總兵官李如柏、杜松、劉綎、馬林分道出塞。

三月甲申,杜松遇大清兵於吉林崖,戰死。乙酉,馬林兵敗於斐芬山。兵備僉事潘宗顏戰死。庚寅,劉綎深入阿布達里

岡，戰死。

六月，大清兵克開原，馬林戰沒。

《徐譜》。

先生就塾。

《元譜》。

《徐譜》：《日知錄》云，愚幼時四書本經俱讀全注。

四十八年庚申（一六二〇），八歲

秋七月，神宗崩，光宗立。甫一月，崩，熹宗立。時朝議欲以明年為泰昌元年，左光斗請以七月以前為萬曆四十八年，八月以後為泰昌元年。從之。

《元譜》。

本生母弟紓子嚴生。

《元譜》。

謙案《崑新合誌》：紓，字子嚴，同應第三子。少負經濟才，明亡後絕意仕進，隱居千墩舊廬。居喪哭過哀，目遂盲。秉性耿介。兄炎武講學秦晉間，屢徵不赴，紓寓書益相砥礪。甥徐學乾兄弟勢望方隆，紓獨養高自重。華陰王宏撰稱其“闇修於不見不聞之地，不愧‘隱君子’”。

天啟元年辛酉(一六二一),九歲

三月,大清兵取瀋陽、遼陽。

《徐譜》。

先生讀《周易》。

《元譜》。

季弟續子叟生。

《徐譜》案:子叟妻朱氏,健庵有《舅母朱孺人壽序》。

二年壬戌(一六二二),十歲

正月,大清兵破西平堡,取廣寧。

《徐譜》。

蠡源公命先生讀古兵家《孫子》、《吳子》諸書,及《左傳》、《國語》、《國策》、《史記》。

《元譜》。

穆案《三朝紀事闕文序》:“天啟初元,遼陽陷,奢崇明、安邦彥並反。其明年,廣寧陷,山東白蓮教妖民作亂。一日,臣祖指庭中草根謂臣曰:‘爾他日得食此幸矣!’遂命之讀古兵家《孫子》、《吳子》諸書,及《左傳》、《國語》、《戰國策》、《史記》。”

先生《程正夫詩序》:余自少時侍於先王父,其終日言而無擇者,皆祖考之世德,鄉先生之行事。